


ル 5
3143
1



ル 5
3143
1

出身中憲大夫知河南府事卓異候選郎中

吳余奉

命出典河南郡下車時屬邑例呈志乘覽知邑之山川
後風俗人物獨假師缺如詢之則以康熙間王澤長
志入經散佚乾隆十一年朱續志所修本又為洛水
城瓦片蕩然迄今四十餘年矣亟思檄令修葺旋以河
工賑務馳驅控惚者歲餘未遑也迨南皮湯君來補是
邑方與謀舉修復以不得溯攷王志為憾 大中丞畢
公其先世在唐時為假師人忠義公邱隴鬱然守尹者

四和十一年
六月十六日 購求

蓋數十家丙午闕兵東都取道修謁語余云朱志荒謬
殊甚如余家歷世祀賢宮者九人朱志率以已意刪之
僅存其一其他疵漏可知方今年豐政暇宜急爲修葺
遂以其事屬之毘陵孫淵如太史湯君亦自民間搜求
得王志本雖多殘缺前事畧備迺聘潮潭張度西先生
會邑之薦紳開館集事適太史簪筆承明自都門以所
撰地理山川陵廟諸志覽寄交書院核得未曾有湯君復
與援古証今悉心搜訂刪朱志之庸鄙補王志之簡
疏凡六閱月始成完書焉夫志者一邑之書而非一人
一家之書也考其險隘則思所以守禦稽其豐耗則思

所以撫字察其淳漓則思所以激勸而志孝節義其

益政治者大我朝

聖聖相承教化涵濡百餘年風俗日臻上理近如偃師
潁縣鎮民任氏九世同居後見唐壽良宋江州盛事而
楊氏弱女子守禮禦暴至斷頭截指以殉視封邱之喪
臺詳符之斷臂其烈殆又過焉筆墨間猶凜凜有生氣
也書曰彰善癉惡樹之風聲論語曰舉善而教不能則
勸其權在長吏轉移最捷而志乘尤其表率余觀邑志
蓋論云地多山故民儉樸山形頑嶺故民多強悍公認
三民有一善行經上表揚遠近傳誦爲榮而婦女名挂

三乘者更跬步不踰閭羣相則傲於此知俗之易與
言於湯君是舉勸其採錄孝義節烈事較多於
言壽之幽光準是非之公論以禮義為鼓舞乘其剛健
三長之性歸於醇和益播

三南風化之盛信乎以文治為政治也豈僅
三雅雅乎哉邑承彫劫之餘民力雖憊元氣未復
三明作有功偉大成裕崇形剏興卓犖在是
三望於湯君者則成書以并其首

偃師縣知縣湯輔傳

偃師志明嘉靖間魏志以前無可攷

正而順治戊戌艾君元復所修曰艾志久佚康熙戊寅邑
令王君澤長所修曰王志亦佚乾隆乙丑邑令朱君續
志所修曰宋志二十六年洛水暴漲衝城壞署板片
失無存迄今四十餘年每大官蒞任例呈送無以應
尊乙巳歲杪承乏斯土惴惴然懼文獻之將湮也請之
郡伯都深劉公謀重修公急為憇憇丙午仲夏
中丞今陞兩楚制府太倉畢公閱兵東都便道至景山
原謁其先祖唐忠義公墓論亟當補修邑志表揚孝義

節烈爲人心風俗勸並斥朱志任意增減舛鄙踈漏之
夫而邑之薦紳咸踴躍襄事秉筆者實爲毘陵孫淵如
先生會先生聯捷入翰林自都中以地理山川陵廟稿
見寄廼延同年湘潭張君紫峴明府開局署前新廨適王
志本亦得自民間帙猶完好較朱志頗爲切實而其中
名譌襲謬亦不少毓倬因思貴耳賤目譏曰庸學朱志
亡論已王志其汲古淺旣不能有所發明郡志又率以
私意迴護古人立說必非臆見然非親履其地質証明
確鮮不爲耳食者所牽制而謂古人我欺不亦謬乎因
言張君竝騎聯轡遍歷境內山川升高望遠準道望核
浩乎有得復於深谷荒塋野燐土繡中遣人搜剔
金石文字來者麋至幾倍於前於是發史傳以下諸書
悉心勘訂証栢谷塢轅關杜工部墓在偃師正郡志
鞏縣之誤得張延賞董晉諸碑于巖間清燕欽融靈龜
山之墓釐許遠墓前之廟証馮王寺之爲北齊平等寺
於職官選舉則增漢莒誦梁配及唐鄭元軌以下二十
餘人爲前志所缺補進士內舉憬五人及明薛蕙爲朱
志所刪辨漢卓茂未爲緱氏令許栩郟人誤作偃唐竇
牟爲平陵進士非偃師於流寓則退李膺而進盧植於
漢廟則補魯宗之王鎮惡皆援據諸書反覆詳辨論無

筆駁至俗志體急宜正者如星野分屬一郡邑志不宜
 有則倣武功安陽志刪之八景無關政要則遵靈壽志
 汰之其尤妄誕無稽之商輪臺劉文公望江臺秦王世
 民飲酒臺則直削之體例謹嚴蘄合史傳庶乎詳簡得
 宜焉其金石文字載舊志藝文中者摘出加以考証新
 收者補載立論則譎之邑進士武君虛谷而薦紳中之
 端謹者以所搜訪孝義節烈陸續上諸館幾四百餘人
 為諸宮墻輿論翕然我

勇百餘年

聖公... 超越前史亦於是乎可徵一邑之

戊申季夏... 丁未仲冬...

戊申季夏剗剗將竣... 以例附載... 諸君子姓
 名題詳紀事之顛末於卷首非敢自詡用心之苦耶...
 發凡起例觀可爾昔歲在屠維作醜涂月書

翰林院編修孫星衍

偃師縣知縣湯毓傳

乾隆十五年庚午九月

皇上巡狩豫州秩祀崧岳三十日辰刻

登嶽山

詩一章

登嶽山極目

聖製

靈嶺龍從嵩嶽連傳聞子晉此昇仙鶴來太室三分秀
筆去清伊一帶綿歡豫民情他聞苑菁芊麥色我芝田
孜孜求治猶多愧無暇重繙學道篇

賜王子晉祠匾聯

卽是丹梯

笙音縹緲凌秋月

鶴羽翔廻駐嶺雲

巡幸嵩洛遣官諭祭文

諭祭伊尹文

惟殷商衡伊尹元聖挺靈先知覺世繩其祖武後力牧

爾蜚聲簡在帝心先傳巖而入夢志罔居於寵利賦畝

可以終身事有迫於天人堯舜期之親見格天佑祖敬

殷土以芒芒慎始圖終相湯孫而穆穆松楸無恙冕服

如存朕以時巡眷懷先正九原不作知同復辟之忠一

德堪師何止採樵之禁爰遣官而展祀冀昭格於神靈

諭祭顏真卿文

惟爾唐臣魯郡公顏真卿天姿剛毅識量淵宏敦孝行

天庭闡矢忠誠於朝宁理冤恤獄能驅早魃之神簡卒

悉兵早懾奸雄之膽平原一舉遂連河北以雲從剗史

義遷旋鎮浙西於風偃雖豐功獨建難耆定於崇朝而大

義常昭足輝煌於千古抗顏審謬時陳定國之議
定容無忝匪躬之節宜隆祀典用慰精忱朕覽古
事民秩省追維義烈垂竹帛以常新式薦馨香
而共遠專官將事靈爽來歆

議祭許遠文

臣等唐臣睢陽太守許遠秉志忠貞持躬端恪
治善樂淳大之謨謹守官箴克矢靖共之節
為醇風臨難捐軀丹忱懸於皎日率孤城之士
本固扶社稷之危保半壁於東南益作江淮之

緬儀型於往代表義烈於來茲用遠專官潔修祀事惟
靈不昧歆此芬苾

乾隆四十九年八月十七日內閣奉

上諭振何裕城奏復師又任天篤等自四世祖任光玉
至四世孫任瑞豐九世同居洵為罕治休徵請

旨旌表等語任天篤家庭聚順雍睦可風宜推旌淑之
恩並廣型仁之化亟親製詩一章並書匾額以賜其應
賞級建坊旌表之處該部照例具題摺並發欽此
御賜九世同居任天篤詩

三牙同居承兩陝茲吟九世乃天中清時自是稱盛事

世自縣志卷一 名臣
三
豫士由來敦厚風八竇七張今過一陳宰楊慶古齊公
任鄰孝文適為姓彰表庶教篤慶宗

御賜匾額

義門敦睦

乾隆四十五年二月二十三日奉

上諭大學士阿桂等奏豫省河神最著者為靈佑襄濟
王黃姓河南偃師人從前已受勅封擬為修墓種樹並
請於其子孫中賞給奉祀生一人等語著照所請交該
撫策在於其子孫內擇一人作為奉祀世傳勿替欽此

偃師縣志

翰林院編修孫星衍

偃師縣知縣湯毓倬

同纂

道、政道里表

三代疆域道里

輿地里志河南郡有偃師縣又曰河南緱氏縣水經注
洛水直偃師縣故城南與緱氏分水
漢宮典職偃師去雒四十五里

元和郡縣志偃師縣西南至府六十里

太平寰宇記偃師縣府東南六十里

偃師縣志

卷首 疆域道里表

元和郡縣志緱氏縣西北至府六十三里

太平寰宇記緱氏縣府東南六十里

國朝

通志偃師縣治在河南府東七十里東西廣七十里

南北袤八十里東至河南省開封三百六十里東北

至孟津渡河至懷慶府至

水師一千七百四十里

縣地圖東至鞏縣黑石關三十五里抵鞏縣城三十

里西至洛陽故城三十里抵洛陽縣城四十里南至

瀋門六十五里抵登封縣城五十里北至周家山三

十里抵孟津縣城三十里東北至溝瀆村三十里至

鞏縣城三十里西北至叩馬邨二十五里抵孟津縣

城二十里東南至轅轅關五十五里抵登封縣城三

十五里西南至水泉口六十五里抵洛陽縣七十里

復阿縣志目錄

第一冊

卷首 叙 圖

卷一 地里志上

第二冊

卷二 地里志下

卷三 山川志

第三冊

卷四 陵廟記

第四冊

卷五 風土記

卷六 學校志

卷七 祀典志

卷八 賦役志

第五冊

卷九 帝紀攷

卷十 職官表

卷十一 名宦傳

第六冊

卷十二 選舉表

卷十三 名臣傳

卷十四 儒林傳

第七冊

卷十五 忠節傳

卷十六 政績傳

卷十七 文苑傳

卷十八 孝義傳

卷十九 隱逸傳

流寓傳

第八冊

卷二十 列女傳上

第九冊

卷二十一 列女傳下

卷二十二 仙釋傳

方技傳

第十冊

卷二十三 藝文志

第十一冊

卷二十四 藝文志

第十二冊

卷二十五 藝文志

第十三冊

卷二十六 藝文志

第十四冊

卷二十七 金石錄上

第十五冊

卷二十八 金石錄下

第十六冊

卷二十九 祥異志

卷三十 大事記



逸事記


附錄
姓氏

圖



繪


青島志






東至洛陽縣六十里







學宮圖



絳山行宮圖







水休

山景

村居

栢谷塢圖



山勢高


壘鎖鈞

壘鎖鈞

壘鎖鈞

平定縣志

登封界石山



登封界在五里外

登封界五里外

界關關



平定縣志

偃師縣志卷一

翰林院編修孫星衍

偃師縣知縣湯毓倬

同纂

地理志

縣屬

偃師縣周置

徐廣注史記周比亡之時凡七縣河南洛陽穀城平
陰偃師鞏緱氏

古薄邑帝嚳所都字亦作亳

書序湯始居亳從先王居作帝告鄭康成注亳今河

南偃師孔安國注契父嚳都亳

竹書紀年帝嚳高辛氏元年帝卽位居亳

史紀湯始居亳從先王居作帝誥司馬貞案隱誥一作佶上云從先王居故作帝佶張守節正義按亳偃師城也

水經注闕駟曰亳本帝嚳之墟在禹貢豫州河洛之間今河南偃師城西二十里尸鄉亭是也

皇甫謐帝王世紀帝嚳高辛氏三十而登帝位都亳活地志亳邑故城在洛州偃師縣西七十里本帝嚳

二城商湯之都也

凡本書已佚故見他書者編當及漢列之書地志近有漢書

不復及

通典偃師帝嚳所都亦古亳邑也又云漢為縣

貞明二年葛從周碑歸葬於偃師縣亳邑鄉

世高辛故都在治西五里今高莊其遺址也

星衍按亳邑鄉出葛太尉碑是其葬處今太尉墓在縣西槐廟村是卽亳邑鄉古之所謂亳也童鉅河南府志云縣西十里有辛寨鎮或以高辛故都得名又在槐廟村之西南矣今偃師縣治是隋唐故城而闕駟以帝嚳墟為在城西二十里括地志又云七十里疑七十為是十七之誤蓋自辛寨鎮已西十餘里皆

古亳邑也則張守節云卽偃師城非也

湯始遷居曰般薄外丙中壬太甲沃丁太庚小甲雍己太戊皆都之仲丁遷於囂

墨子非攻下篇湯奉桀眾以克有疑脫夏字屬諸侯於

薦章天命通於四方而天下諸侯莫敢不賓服又云

還至乎商王紂十日雨土於薄

竹書紀年帝癸十五年商侯履遷於亳成湯元年

史記湯始居亳從先王居太子太丁未立而卒於

適立太丁之弟外丙帝外丙卽位二年崩立外丙之

弟中壬是為帝仲壬帝仲壬卽位四年崩伊尹相立

太丁之子太甲是為帝太甲稱太宗太宗崩子沃丁

立是為帝沃丁沃丁崩弟太庚立是為帝太庚帝太

庚崩子帝小甲立帝小甲崩弟雍己立是為帝雍己

帝雍己崩弟太戊立是為帝太戊帝太戊立亳有祥

桑穀共生於朝一莫大拱又云般復興諸侯歸之故

稱中宗中宗崩子帝仲丁立帝仲丁遷於囂

班固地理志偃師尸鄉般湯所都

鄭康成尚書注亳今河南偃師縣有湯亭

孔安國尚書注湯自商邱遷焉

括地志河南偃師為西亳帝嚳及湯所都

孔穎達詩正義中候格予命云天乙在亳東觀在洛
若亳在梁國則居於洛東不得東觀於洛也

史記正義按亳偃師城也商邱卽宋州也湯卽位都
南亳後徙西亳也

星衍按亳有三一湯盟地曰北亳今考城一湯始都
曰南亳今商邱一湯遷都曰西亳今偃師出班固邨
康成說最古而皇甫謐好爲異論云如孟子之言
居亳與葛爲鄰是卽亳與葛比也湯地七十里葛又
偃耳封域有限而寧陵去偃師八百里不得童子饋
餉而爲之耕今梁國自有二亳南亳在穀熟北亳在

偃師也古文仲虺之誥曰葛伯仇餉
卽孟子之言也出水謐之此辨是不知湯自南亳遷

於西亳兩亳皆都耳孟子之所云與葛爲鄰者
南亳卽謐在穀熟之言惟諸書傳管子地數篇云湯
有七十里之薄荀子議兵篇云湯以薄呂氏春秋云
湯嘗約於鄣薄皆謂此始居之南亳與孟子同書殷
祝解文湯放桀而復薄亦言未遷之地惟墨子云屬
諸侯於薄薦章天命通於四方者乃是西亳卽竹書
紀年云帝癸十五年商侯履遷于亳者矣蓋湯旣放
桀復于南亳乃遷于西亳以諸書証之甚明僞孔云

自商邱遷焉商邱卽南亳也括地志云宋州穀熟縣西南三十五里南亳故城卽南亳湯都也宋州北五十里大蒙城爲景亳湯所盟地因景山爲名河南偃師爲西亳帝嚳及湯所都盤庚亦從都之是言湯都二亳亦甚明孔穎達又據書緯天乙在亳東觀在洛之言以爲亳在梁國則居于洛東不得東觀洛又是破謚之偏見矣亳當從周書作薄諸子亦多同之惟孟子作亳乃後人傳寫所改亳乃京兆杜陵亭名故字从高省見許君說文解字及徐廣史記注其地在今陝西咸寧縣南自有亳王號湯爲秦寧公所滅葬扶風徵陌不得以爲成湯也

盤庚復徙都之

尚書盤庚遷于殷

書序盤庚五遷將治亳殷民咨胥怨作盤庚三篇鄭康成注治于亳之殷地商家自徙此而改號曰殷今偃師是也

史記帝盤庚之時殷已都河北盤庚渡河南復居成湯之故居廼五遷無定處又云遂涉河南治亳太平御覽帝王世紀帝盤庚徙都殷始改商曰殷又曰亳殷今偃師是也然則殷有三亳二亳在梁一亳

在河南穀熟為南亳湯都是也蒙為北亳即景亳湯
所盟地偃師為西亳即盤庚所徙者

水經注湯渠水又東遷亳殷南音盤庚所遷改號曰
殷自此始也

括地志河南偃師為西亳盤庚亦從都之
元和郡縣志偃師縣至盤庚又自河北徙都于亳商

家從此改號曰殷
星衍按爾雅殷中也詩曰宅殷士芒芒古帝命武王

正域彼四方是言土中鄭康成說商家自徙此而
曰殷蓋謂成湯已改號亳南音為始自盤庚

非也呂氏春秋云湯嘗約于鄆薄鄆即殷之偃師
湯已號殷明甚又按皇甫謐之誤以偃師為盤庚地

遷與史記所云復居成湯之故居乃大相背唐以前
儒者之言皆質明可信其好為異說者謚一人而已

又按竹書紀年云盤庚十四年自奄遷于北蒙曰殷
是在今商邱紀年駁書亦不足信

司馬彪郡國志偃師有尸鄉春秋時曰尸氏
左傳昭二十六年劉人敗于朝之師于尸氏

水經注晉太康地道記並言田橫死于是亭故改曰

尸鄉非也余按郡國志以為春秋之尸氏也

亦曰師氏

考古圖周寅簋銘有進後雩邦人正之師氏人有息
有故西馭服即汝囙繇宥畢復虐逐乃君乃師乃
予一人服王曰寅敬明乃心用辟我一人善故乃
內辟勿事遽虐從獄受維且行道乃非正命乃故
譏人則惟輔天降喪不亡惟死錫汝秬鬯一卣乃
芾赤湯馮軒朱輦華璠危縶虎冕練裏畫輔畫
金甬馬四匹鑿勤敬夙夕勿廢朕命寅拜稽首
子不顯魯休用作寶簋叔邦父叔故萬年子子孫孫

永寶用

亦曰尸

左傳昭二十六年冬十月丙申王起師于滑辛丑在
郊遂父于尸又云召伯遊王于尸及劉子單子盟杜
預春秋釋地尸氏尸二名河南鞏縣西南偃師城

曰偃師亦曰侯氏以山為名

左傳昭二十四年十二月晉籍談荀躒賈辛司馬督
帥師次于陰于侯氏杜預春秋釋地闕

十三州志河南緱氏縣以山為名

徐廣注史記周比亡之時凡七縣有偃師緱氏

星衍按侯緱音相近當卽緱氏

或曰武王伐紂回息偃師遂名其地曰偃師其說少依
諸比周亡有其縣

通典偃師武王伐紂周師息戎遂名偃師焉

元和郡縣志武王伐紂于此築城息偃戎師囚以名
焉

有劉國及鄔聚

左傳隱十一年王取鄔劉蕩刊之田于鄭杜預注二
邑在河南緱氏縣西南有鄔聚西北有劉亭

地理志緱氏劉聚周大夫劉子邑

郡國志緱氏有鄔聚

水經注劉水出半石東山西北流逕劉聚三面臨
在緱氏縣西南周畿內劉子國

通志劉子邑在縣南緱氏保又云有望江臺在伊水

上劉康公築

童鈺曰劉聚今緱氏鎮在緱氏故城西

有滑國曰費滑

左傳僖十三年呂相絕秦伯曰殄滅我費滑杜預注
滑國都於費今緱氏縣

水經注休水又逕延壽城南緱氏縣治故滑費春秋

滑國所都也

括地志緱氏故城本費縣城也在洛州緱氏縣東南二十五里也

元和郡縣志緱氏縣古滑國也左傳曰秦師滅滑其後屬晉至秦漢為縣

太平寰宇記緱氏縣春秋云滑國同盟于幽秦人八皆此也秦滅之後屬晉漢以為縣

縣圖經有滑城河在縣東南三十四里滑城當在此

有揚邑

左傳昭二十二年劉子奔揚杜注周邑顧棟高春秋

大事表云路史謂即今山西之揚侯國宣王子尚文

所封今山西平陽洪洞縣東有揚地按傳云壬戌劉

子奔揚癸亥如劉劉今為偃師劉亭浹日即至其地

當不出百里外山西洪洞去偃師絕遠且其地屬晉

當為僖十一年揚距泉臯伊雒之揚而非山西之揚

也

顧棟按左傳王子帶召揚距泉臯伊雒之戎同伐京

師杜注皆戎邑及戎雒居伊雒間者尤為偃師之揚

確証

東園一曰園澤

左傳昭二十二年八月辛未伐東園杜預注河南洛陽縣東南有園鄉二十六年召伯逆王于戶及劉子單子盟遂軍圍澤次于隄上

童鉦曰晉時所謂洛東地盡入偃師

星衍按童鉦言是也園澤疑亦園鄉矣今縣西有魚郭郵魚圍其音之誤與郵在伊水之北

有洧疑周字之誤

竹書紀年襄王三十年洛絕于洧

水經注洛水又北陽渠水注之竹書紀年晉襄公六年洛絕于洧即此處也洛水又北逕偃師城東

有晉靡或曰尹及施谷崔谷皆在焉而杜預不言之

左傳襄十八年為子馮公子格率銳師侵費滑胥靡

獻于雍梁杜預注胥靡獻于雍梁皆鄭邑

又昭二十三年六月壬申王子朝入于尹又云劉子

從尹道伐尹杜預春秋釋地尹道尹闕

又昭二十六年五月戊辰王城人劉人戰于施谷杜

預春秋釋地闕

又七月丁巳王次于崔谷杜預春秋釋地闕

顧祖禹方輿紀要胥靡在偃師縣東南三十里

童鉦曰胥靡近滑城今滑城在鞏偃界上滑城東南

地盡入鞏則胥靡當在鞏今鞏地近滑者有曰蕭相者胥靡之轉音也

羅泌路史尹周地尹氏采杜謂鞏西南偃師今汾州有尹吉甫墓記卽其地

顧棟高春秋大事表大谷在今洛陽縣東周之萑谷施三蓋皆大谷之支徑

星衍按胥靡施谷萑谷之屬出近人說在偃師特無証據若童銍之以蕭相爲胥靡轉音猶爲得之至羅泌所說之尹氏乃誤引杜預尸氏下注文其疏甚矣羅泌又云有止國少昊後偃姓國曰止今首陽北故

曰止陽有紀國云今緱氏故紀縣周之餘族可見者其言皆無証據河南府志取入偃師爲有周止國紀國今特削之

又曰有首戴

公羊穀梁春秋經僖五年秋八月諸侯盟于首戴水經注河水又南逕平縣南首陽山故城北春秋所謂首戴矣

星衍按左傳作首止杜預注首止衛地陳留襄邑縣東南有首鄉則不在此

首戴內地或屬鄭或屬晉

太平寰宇記偃師縣周為畿內之邑

秦曰緱氏屬三川

史記白起王翦列傳昭王四十六年秦攻緱氏蘭

太平寰宇記偃師縣秦屬三川

漢曰偃師屬河郡莽曰師氏

今本誤作成據水經注改正

地里志河南郡有偃師縣莽曰師氏

元和郡縣志偃師縣本漢舊縣

夏緱氏縣地莽曰中亭

地里志河南郡緱氏縣莽曰中亭

太平寰宇記輿地志云因山川名縣

漢曰地莽曰治平

地里志河南郡有平縣莽曰治平

水經河南水又東過平縣北湛水從北來注之

括地志平縣故城在洛州偃師縣西北二十五里

太平寰宇記偃師縣故平縣漢平縣故城也在今縣

西北二十五里

後漢省平縣字作偃師

郡國志河南郡偃師有緱氏有平

魏因之

太平寰宇記偃師縣晉併入洛陽緱氏縣至宋猶屬

河南

星衍按袁宏墓在偃師縣東而皇覽云在洛陽東北山上此書魏時所著則魏省偃師也

晉省偃師入洛陽又省平縣

晉書地理志河南郡有緱氏無偃師無平

太平寰宇記偃師縣晉併入洛陽

蘇倬按宋書宋孝武帝僑立河南太守治襄陽大明

中分沔北為境有陽城緱氏二縣又孝武帝太元十

一年立北河南郡尋省明帝泰始末復立治宛中

縣八有緱氏新安洛陽等縣齊梁因之當時南北分

裂各僑立州郡有虛名無實土緱氏久入北魏宋齊

所立非緱氏舊地也

後魏為緱氏縣太和十七年併入洛陽屬洛陽郡天平

初復置

地形志洛陽郡有緱氏二漢晉屬河南太和十七年

併洛陽天平初復屬

隋書地理志緱氏舊廢東魏置

周因之

太平寰宇記緱氏縣後周建德六年又自洛陽城移

於今縣北七里鉤銷故壘置

隋開皇十六年復置偃師屬河南郡廢緱氏大業初復
隋書地理志河南郡有偃師云舊廢開皇十六年置
緱氏云開皇十六年廢大業初復置

唐偃師為畿縣緱氏為次赤貞觀十八年廢緱氏上
元二年復

唐書地理志河南府有偃師畿緱氏次赤貞觀十八
年省上元年復置

太平寰宇記緱氏縣吾貞觀十八年省上元二年
置

太平寰宇記河南府有偃師縣又有緱氏縣

元豐九域志河南郡有畿偃師縣寧三年省偃師
為鎮入緱氏八年復置偃師縣省緱氏縣為鎮

金史地理志河南府有偃師鎮一緱氏

元史地理志河南府有偃師鎮

明一統志河南府有偃師縣晉併入洛陽隋復置唐

偃師縣志 卷一 地理志上

宋元仍舊本朝因之編戶三十六里
星衍按宋熙寧三年曾省偃師八年乃復而明一統
志不及其疏如此

國朝爲衝縣屬河南府
城屬

劉累故城在縣西南六十五里

括地志劉累故城在洛州緱氏縣西南五十五里乃
劉累封之故地也

星衍按此知參龍故蹟亦在偃師周時劉國乃卽累
之後人也魏王泰撰括地志多本晉宋人地里書必

有所指今緱氏鎮西南有夏后邨前有夏后廟
卽劉累之遺矣

太甲城在縣西南十五里

晉太康地記尸鄉南有亳阪東有城太甲所放處也

亳城在槐廟邨

春秋襄十有一年公會晉侯宋公衛侯曹伯齊世子
光莒子邾子滕子薛伯杞伯小邾子伐鄭秋七月乙
未同盟于亳城北杜預注亳城鄭地

鄆城在孫灣

水經注鄆水又東南於訾城西北東入洛水故京相

瑤曰今鞏洛渡北有鄆谷水東入洛謂之下鄆來譚
之北鄆又有鄆城蓋周大夫鄆肸之采邑

童鈺曰上鄆今羅莊以鄆肸子羅得名也下鄆今孫
灣即鄆灣南北夾岸實一地今上鄆隸鞏下鄆隸

師
星衍按孫灣音相近也

費滑故城在縣府店北二里

括地志緱氏故城本費城也在洛州緱氏縣東南二
十五里也

太平寰宇記緱氏縣古滑城在縣東一十八都城

有

通志滑城在縣府店北二里春秋時滑伯國城

存

偃師故城即今城

水經注洛水逕計素渚又直偃師故縣南又云穀水
又東逕偃師城南又東流注于洛水矣又云漢宮

職曰偃師去洛四十五里

太平寰宇記偃師縣漢屬河南郡即今縣理是也

童鈺曰按偃師漢所置晉省入鞏洛故漢桑欽曰偃
師縣魏酈道元則曰偃師故縣也隋開皇十六年復

置則爲今偃師縣治其故縣在縣西十里
星衍按今治卽宋縣而太平寰宇記云漢縣卽今縣
理是童鈺言非是也或後魏移偃師縣是今西十里
之趾耳

漢緱氏故城在縣南二十里

史記武帝紀公孫卿侯神河南見僊人跡緱氏城上
有物若雉往來城上天子親幸緱氏城視跡問卿
母效文成五利乎

地形志緱氏有緱氏城

水經注休水又逕緱氏城南緱氏縣治故滑費春

滑國所也

太平寰宇記緱氏縣府東南六十里按前此緱氏
在今縣東南二十五里緱氏故城又云古緱氏城在
縣西北六里

通志緱氏廢縣在縣南二十五里古滑國

星衍按今古滑城卽寰宇記所謂前此緱氏縣也緱
氏保卽宋縣在府東六十里者也古縣鎮卽寰宇記
所謂古緱氏也漢縣當在古滑城
輒倬按今偃師有顧縣鎮在洛水南距縣十五里顧
卽古字訛音疑卽周緱氏故城也

漢平縣故城在縣西北二十五里

水經注河水又東逕平縣故城北俗謂之小平也

括地志平縣故城在洛州偃師縣西北二十五里

漢綸氏故城在縣東南今入登封

括地志洛州綸縣本夏之綸國也在緱氏縣東南六

十里地里志綸氏屬潁川郡

通志綸城在縣東南

星衍按唐宋潁陽縣是古綸國金為鎮入登封

綸氏城當在登封方志特因括地志云在緱氏東

之說誤也此耳

延壽城在縣南二十五里

地里志緱氏有延壽城

劉昭注郡國志于竇搜神記緱氏縣有延壽城

水經注休水重源又發側緱氏原又逕延壽城南緱

氏縣治休水又北屈逕其城西

盧氏嵩山記子晉學道于洛鹿澗澗旁有靈星塢一

名延壽城此塢有道士浮邱公接其登仙之所又漢

書李膺罷歸緱氏教授生徒給事論鄭注于此

方輿紀要延壽關在縣南三十五里晉永康二年齊

王冏舉兵許昌討趙王倫倫遣兵出延壽關以拒之

或謂之延壽城

舊志在治南二十五里城有仙人祠又謂之仙人觀
童鈺曰卽緱氏城在今古滑城南臨休水非今緱氏
鎮也

漢曹城

元和郡縣志緱氏縣曹城在縣東一里曹操與袁
相拒築城于此

太平寰宇記作十里

曹志曹公城在袁術固東袁術固在治西南三十

偃師故城

星衍按水經注云洛水直偃師故縣南則必當年更
有新移之縣太平寰宇記云漢縣卽今理則知後魏
縣治非漢宋及今縣城矣或卽在縣西十里與

周緱氏故城在緱氏保北七里

太平寰宇記緱氏縣東魏天平元年復以洛陽城中
置緱氏縣後周建德六年又自洛陽移於今縣北七
里鉤鎖故壘置

星衍按此疑卽今古縣鎮也

隋開皇緱氏故城在緱氏保北十里

太平寰宇記緱氏縣隋開皇四年又移於今縣北十里洛陽故郡城

隋大業元年緱氏故城在緱氏保東南十里

太平寰宇記緱氏縣大業元年復移於今縣東南十里置

隋大業十年及唐緱氏故城在公路澗西

元和郡縣志緱氏縣西北至府六十三里隋大業十年移據公路澗西馮岸為城即今縣是也

太平寰宇記緱氏縣大業十年又移據公路澗西馮岸為城唐貞觀十八年省上元二年又置今縣

津敬陵西置

隋唐宋偃師故城在縣西十里

元和郡縣志偃師縣西南至府六十里

元豐九域志偃師京東六十里

胡三省注通鑑偃師縣在都城東六十里

宋初偃師故城即今城

太平寰宇記偃師縣府東南七十里

星衍按今偃師城正在府東南七十里則即宋初城也熙寧三年省為鎮八年復置則在今縣西十里矣

唐緱氏故城

元和郡縣志緱氏縣西北至府六十三里

宋緱氏故城卽今古縣鎮

太平寰宇記緱氏縣府東南六十里

古灰城在緱氏保西北八里

太平寰宇記緱氏縣古灰城在縣西北八里

星衍按今緱氏保西南有灰甃卽灰城也

葬劍城在緱山東北一里

舊志王子晉葬劍處戰國時有人伐之見劍揮空中
欲進取之劍作雷鳴虎嘯竟飛上天見王子年拾遺

記

今偃師城漢故治宋初亦治於此在府城東七十里

周六里八十四步高三丈厚一丈三尺池濶一丈五尺

深八尺門四東曰懷嵩西曰瞻洛南曰迎僊北曰望京

門樓各三間四隅各置敵樓六所護城堤防周九里十

三步西北曰白虎堰東南曰王公堤

通志偃師城明洪武二十一年知縣汪可行增築高

一丈五尺厚丈餘成化十九年知縣李厚重修正德


六年流賊寇河南知縣朱璟重修俱增高於舊嘉靖

三十二年大水沒城半知縣王表重修崇禎間知縣

夏士譽加砌磚石以禦流賊十五年賊攻城破知縣

徐日泰死之賊屠城去

國朝順治二年知縣王埏九年知縣魏惟紫重修十五年知縣艾元復以鐵葉裹木門康熙二十八年知縣王澤長重修城樓護城堤元元統間築以捍邗山二龍溝水明永樂間主簿劉守義正德間縣丞楊得春嘉靖間知縣林萬里縣丞韋挺秀重修王公堤明隆慶間知縣王環築以禦伊洛泛漲因名環圍縣城
萬曆五十年知縣蔣如昇重修乾隆七年知縣朱
高高三尺厚二尺底濶三丈頂濶七尺高一丈
六尺柳二千二百三十四株二十六年伊洛水
入城雉堞傾圮二十七年知縣



臨縣志
卷一

三

